

بِسْمِ اللَّهِ الرَّحْمَنِ الرَّحِيمِ  
نَحْمَدُهُ وَنُصَلِّي عَلَى رَسُولِهِ الْكَرِيمِ  
الْحَمْدُ لِلَّهِ رَبِّ الْعَالَمِينَ-

وَالصَّلَاةُ وَالسَّلَامُ عَلَى رَسُولِهِ مُحَمَّدٍ وَآلِهِ وَأَصْحَابِهِ أَجْمَعِينَ

*“Sva hvala pripada Allahu, Gospodaru svih svjetova; mir i blagoslov neka su na Njegovog vjerovjesnika Muhammeda, s.a.v.s., i na cijelo njegovo potomstvo i ashabe.”*

## ASHABI OBEĆANOG MESIJE

### Hazreti Sahibzada Mirza Bašir Ahmad

Bašir Ahmad koga si podučio, izliječeno da bude njegovo oko da dobro vidi.

Hazreti Sahibzada Mirza Bašir Ahmad bio je jedan od sinova Obećanog Mesije i mlađi brat drugog halife. Prije njegovog rođenja, u predskazanju Obećanog Mesije, data mu je titula „Qamar-ul-Ambiya“ ( mjesec poslanika).

U ranom djetinjstvu oboljele su mu oči. Njegova je patnja se toliko povećala da je postojala opasnost da oslijepi. Zato je Obećani Mesija dovio za njega na što mu se obznanjuje: „ Barraqa Tifli Bašir“, a to znači: „Moj dječak počinje vidjeti.“ Ubrzo nakon toga nestala je njegova patnja sa očima i nije mu samo vraćen fizički očni vid, nego mu je Allah podario najveću duhovnu vidnu snagu.

### Njegova služba

Cijeli svoj život proveo je u služenju džematu i bio je doživotno posvećen različitim funkcijama. Njegova je bogobožnost bila tako velika da je kad je jednom u svom uredu našao iglu; podigao je i dao upravi rekavši: „ Ova igla je vlasništvo džemata. Trebamo na to paziti.“ Prema službenicima džemata bio je veoma ljubazan i blag.

Hazreti Mirza Bašir Ahmad bio je veliki učenjak džemata. Pored magistrature u umjetnosti (M.A.) bio je i stručnjak u vjerskom znanju. Napisao je mnoga djela za džemat. Neke od njegovih knjiga će biti ovdje predstavljene:

#### 1) Silsila Ahmadiyya

Ova knjiga sadrži historijat džemata. U ovoj je knjizi hazreti Mirza Bašir Ahmad zapisao sve bitne događaje iz historijata džemata.

#### 2) Seerat Hatamun-Nabiyyin

Ova knjiga je izvanredna biografija o životu Časnog Poslanika s.a.v.s. Sastoji se ukupno iz tri toma. Hazreti Musleh Moud o ovoj knjizi kaže: „ Mislim da je od svih knjiga koje su napisane o biografiji Časnog Poslanika s.a.v.s., ova najbolja.“

### 3) Seerat-ul-Mahdi

Ova je knjiga zbirka izreka Obećanog Mesije koje su prenijeti od jednog od njegovih ashaba. Po pitanju biografije Obećanog Mesije i historijata džemata ova knjiga zauzima mjesto vrijedno blaga. Ova knjiga se sastoji iz tri toma.

### 4) Imtehan paas karne ke gur (Kako polagati ispite)

U ovoj knjizi je hazreti Mirza Bašir Ahmad pokazao 25 različitih metoda pomoću kojih se mogu ispiti položiti sa dobrim ocjenama.

Obećani Mesija je za svoju trojicu sinova, Sayyadna hazreti Mirza Baširuddin Mahmood Ahmad (drugi halifa), hazreti Mirza Bašir Ahmad i hazreti Mirza Šarif Ahmad sastavio dovu u formi stiha.

## Hazreti Sahibzada Mirza Šarif Ahmad

I Šarif Ahmadu dopusti da kuša taj plod  
tako što ćeš ga lično podučiti Furqanu (časnom Kur'anu).

Hazreti Sahibzada Mirza Šarif Ahmad bio je sin Obećanog Mesije čije je rođenje obznanjeno Obećanom Mesiji. Imao je veliko znanje o Časnom Kur'anu i hadisu. O njemu su Obećanom Mesiji objavljene sljedeće riječi: „ Badšah Aya“ (Došao je kralj).

Njegov sin, hazreti Sahibzada Mirza Mansoor Ahmad Sahib, jednom je prepričao jedan događaj kojim je opisao njegov plemeniti karakter, darovitost i njegovu brigu o siromašnima. On priča:

„Nakon podjele indijskog potkontinenta, dakle nakon 1947. godine, živjeli smo na početku u gradu Lahore. Preko puta naše kuće nalazila se trafika u kojoj je jedan čovjek prodavao Pann (listovi određenih sastojaka koji se žvaću). I ja sam ponekad išao njemu i kupovao jedan Pann. Jednog dana čovjek me je upitao u kom sam srodstvu sa mudrim čovjekom kome je pripadala tvornica. „ Hazreti Sahibzada Mirza Mansoor Ahmad Sahib je dalje pričao: „ Taj čovjek je po mojim crtama lica možda prepoznao da sam član porodice ili me je jedanput vidio zajedno sa mojim ocem. Odvratio sam: ' Zašto pitate, o čemu se radi?' On je rekao: ' Jednog je dana taj čovjek (dakle hazreti Sahibzada Mirza Šarif Ahmad Sahib) došao u moju prodavnicu i upitao me kako sam. Rekao sam mu da posebno novčano nisam baš dobro. Na to je iz svoje torbe izvadio novčanicu od 100 rupija, stavio je meni na ruku i nastavio dalje.“

Bio je isto tako zainteresovan za ispravan odgoj djece. Bio je dedo (s očeve strane) hazreti Halifi Mesiji V. Hazreti Sahibzada Mirza Šarif Ahmad Sahib preselio je rano ujutro prvog dana Džalsa Salane 26. decembra 1961. godine. Ukopan je u Rabwahu u Bahišti-Maqbara.

## Hazreti Maulvi Abdul Karim Sialkoti

Hazreti Maulvi Abdul Karim bio je stanovnik grada Sialkota. Njegovo prijašnje ime bilo je Karim Bahš. Kad je pristupio ahmadija džematu, Obećani Mesija mu je dao ime Abdul Karim. Znao je tečno da govori urdu, engleski i perzijski jezik. Pošto je pristupio ahmadija džematu bio je u mogućnosti da učini velika djela. U jednom predskazanju Obećanog Mesije

zabilježen je kao „Vođa muslimana“. Imao je čast da pročita poznati govor Obećanog Mesije na Džalsi velikih svjetskih religija. Preko tog govora je Obećanom Mesiji objavljeno da će on biti nadmoćniji nad ostalima. Ovaj govor objavljen je pod nazivom „Filozofija učenja islama“. Hazreti Maulvi Abdul Karim je imao izrazito zvučan i lijep glas.

Kad je učio Kur'an svi su slušaoci bili oduševljeni tim učenjem, bez obzira da li su bili muslimani, hindusi ili kršćani; imao se osjećaj kao da su meleki sišli sa nebesa i učili u slavu Allahu.

Obećani Mesija je o njemu napisao: „Maulvi Sahib je moj dobar prijatelj i imao je iskrenu i živu ljubav prema meni. On je provodio veliki dio svog dragocjenog vremena podupiranju vjere. Njegov govor je upečatljiv i snažan. Blagodati iskrenosti i prosvijetljenja su mu vidljivi na licu.“

U nekim perzijskim stihovima Obećani Mesija je također spomenuo hazreti Maulvi Abdul Karim Sahiba:“ Kako pobrojati ljepote i snagu Abdul Karimovu koji svoj život hrabro daje na pravom putu.“

## Hazreti Nawab Muhammad Ali Khan

Hazreti Nawab Muhammad Ali Khan bio je poglavar Maleer Kotle i bio je vlasnik mnogo zemljišta u svom naselju. Pripadao je šiitskom pravcu islama. 1890. godine dao je bajat na ruku Obećanog Mesije i tako pristupio zajednici. Toliko je napredovao u svojoj predanosti i ljubavi prema Obećanom Mesiji da se oženio najstarijom kćerkom Obećanog Mesije hazreti Nawab Mubarika Begumom. Tako je imao čast da bude zet Obećanom Mesiji. Sedam godina nakon preseljenja Obećanog Mesije, druga kćerka Obećanog Mesije hazreti Nawab Amatul Hafeez Beguma udata je za Nawab Muhammad Abdullah Khan Sahiba koji je bio sin hazreti Nawab Muhammad Ali Khana iz prvog braka. Tako je hazreti Nawab Sahib imao dvostruku srodnu vezu sa Obećanim Mesijom. Tako je i kćerka hazreti Nawab Muhammad Ali Khana iz prvog braka Zainab Begum udata za sina Obećanog Mesije i tako mu je postala snaha. Tako da je to bilo treće krvno srodstvo hazreti Nawab Muhammad Ali Khana sa Obećanim Mesijom.

### Služenje džematu

Hazreti Nawab Sahib je služio džematu na mnoge različite načine. Imenovan je za prvog direktora Taleem-ul Islam High School (srednje škole) i dugo je vremena držao taj položaj. Kad se otvorila Taleem-ul-Islam High School, zatvorio je školu u Maleer Kotla i cijelu njenu opremu je odredio da se donese u Kadian. Osim toga mnogo se žrtvovao i novčano za školu. Bez zahtjeva za ikakvu protuslugu džematu je služio u različitim ustanovama.

U Karam Din sudskom procesu sudija Atma Ram, koji je ujedno bio vođa Arija, je presudio tako da su Obećani Mesija i jedan od njegovih Huddama morali platiti 700 rupija ili umjesto toga prihvatiti zatvorsku kaznu od šest mjeseci. Taj sudija je mislio da Obećani Mesija neće biti u stanju da taj novac isplati odmah. Tako da će, pomislio je on, Obećani Mesija morati šest mjeseci da se pati u pritvoru osramoćen. Ali tom prilikom novac u iznosu od 900 rupija koji je već unaprijed poslao hazreti Nawab Muhammad Ali Khan mogao je biti odmah uplaćen. Tako da je plan tog sudije uništen. Poslije je Obećani Mesija uložio žalbu protiv te sudske odluke kojom je dobio nazad uplaćeni novac i kojom je Obećani Mesija oslobođen bilo koje optužbe.

Obećani Mesija je o hazreti Nawab Muhammad Ali Khanu napisao:“ On je po pitanju obavljanja namaza veoma pažljiv i obavlja namaz kao pravovjerni sa radošću i posvećenošću. I drži se podalje od svega što je zabranjeno i što se ne odobrava. Divim se sreći čovjeka koji

ima takvog poštenog sina, koji i pored svih sredstava i mogućnosti za jedan bezbrižan i luksuzan život, živi na takav skroman način.

## Hazreti Mufti Muhammad Sadiq

Hazreti Mufti Muhammad Sadiq bio je među prvim ashabima Obećanog Mesije.

Već početkom njegove mladosti svoj je život posvetio služenju vjeri. Pored Indije imao je mogućnost i u Velikoj Britaniji i Americi da izvršava Tabligh. Obećani Mesija je hazreti Mufti Sahiba veoma volio. O njemu je u časopisu Badar 6. aprila 1905. godine napisao:

“ Mudar član naše zajednice, mlad, pošten i u svakom pogledu nadaren, za čiji opis pozitivnih osobina mi nedostaju riječi, takav je naime Muhammad Sadiq Bherwi.“

### Neki zanimljivi događaji iz života hazreti Mufti Muhammad Sadiq Sahiba

Način na koji je hazreti Mufti Sahib činio Tabligh (Da'wah) bio je jednostavan. Njegov način govora bio je srceparajuć, da je na svakog čovjeka ostavljao dojam.

- 1) Jednog dana su on i neke druge počasne osobe bile pozvane na čaj kod jednog svećenika u Engleskoj. Tom prilikom poveo se razgovor vjerske tematike. Hazreti Mufti Sahib je rekao:“ Mi muslimani ne koristimo zvona niti ljude oglašavamo školjkama kako bi ih pozvali na namaz, već učimo azan.“ Prisutni su ga na to upitali šta je azan. Hazreti Mufti Sahib je rekao da će odmah proučiti azan kako bi im pokazao šta je.

Kakav je to čudan prizor bio kad je hazreti Mufti Sahib među Englezima ustao i počeo da uči azan dok su prisutni sa divljenjem i zainteresovanošću posmatrali hazreti Mufti Sahiba. Kad je završio sa azanom prisutni su ga pitali da im prevede riječi azana. Na to im je hazreti Mufti Sahib preveo riječi azana i protumačio njihovo dublje značenje. Sve je to mnogo oduševilo prisutne.

Tako da je to bio prvi azan koji je proučen u Velikoj Britaniji u kući jednog svećenika.

- 2) Trojstvo vješto pobijeđeno

Jednog je dana hazreti Mufti Sahib sa jednim prijateljem obilazio londonske prodavnice, pa je zapazio prodavnicu na kojoj su bile napisane riječi „Trinity Book Shop“ što je značilo nešto poput „Knjižara trojstva“. Ta knjižara prodavala je knjige koje su se ticale kršćanske tematike.

Pratioc hazreti Mufti Sahiba je upitao monaha šta se smatra trojstvom.

Monah je odgovorio da je trojstvo otac, sin i duh sveti, dakle sve označeno kao Bog. Ali ne postoje tri boga već samo jedan. To je duhovna tajna da su trojica jedan, a jedan predstavlja trojicu.

Na to je hazreti Mufti Sahib izjavio da se protivi zdravom ljudskom razumu misliti da su trojica jedan i da je jedan jednak trojici.

Tokom tog razgovora, pogled mu je pao na knjigu čija je cijena bila naznačena sa tri šilinga. Na to je Mufti Sahib rekao da želi kupiti tu knjigu. Monah je rekao da to treba učiniti. Nakon toga je Mufti Sahib pitao za cijenu knjige, za koju je monah naveo da košta tri šilinga. Na to je Mufti Sahib iz svoje torbe izvadio s osmijehom jedan šiling i dao monahu. Kad je monah vidio taj jedan šiling rekao mu je:“ Možda niste primjetili, rekao sam da knjiga košta tri šilinga.“

Na to je Mufti Sahib odgovorio:“ Nema veze, jer je tri jedan, a jedan je tri. Zato uzmite ovaj jedan šiling.“ Na to mu je monah odvratio smiješeći se:“ U ovom slučaju je to nešto drugačije nego u religiji.“

## Hazreti Maulvi Šer Ali

Hazreti Maulvi Šer Ali bio je stanovnik područja Sargodhe. Diplomirao je umjetnost na FC College-u u Lahore. Posjedovao je veoma dobro znanje iz engleskog jezika. Njegov najveći uspjeh bili su prevod i tumačenje Časnog Kur'ana na engleski jezik. Kako bi to postigao, tri godine je boravio u Velikoj Britaniji.

Njegova odjeća i obuća su bili veoma jednostavni. Njegove šaljvare su uglavnom bile duže od nožnog zgloba. Zimi bi se ogrnuo sa jednim debelim i pomalo grubim ogrtačem.

Njegova posebna osobina je bila da se uvijek prvi selamio.

Kad bi mu se neko približavao bez obzira da li je taj neko bio mlad ili star, on bi već iz daljine govorio „Asssalamo Alaikum“ i nikad nije davao mogućnost da neko prije njega prvi to izgovori.

### Njegova bogobojznost

Hazreti Maulvi Šer Ali bio je veoma pobožan čovjek sa osobinama meleka.

Bio je veoma pošten, u namaz zadubljen, suosjećajan, blag i skroman čovjek. Stalno je pomagao siromašnima i davao je podršku učenicima pri njihovom obrazovanju. Ljudi su ga zvali Wali-Ullahom( Allahov prijatelj) i melekom. Čak je i ahmadija koji je porijeklom Englez rekao za njega da je melek. Njegovo poštenje se može vidjeti i u tome da je jednom dobio pismo sa poštanskom markicom koja nije bila opečaćena. Dakle ta se poštanska markica mogla opet iskoristiti. Kad je on za to saznao, uzeo je tu poštansku markicu, pocjepao ju je i rekao:“ Ova markica je već ispunila svoju svrhu.“ Podučavao je hazreti Halifat-ul-Mesiju II u njegovom djetinjstvu i bio je svjedok njegovog poštenja. Mnogo puta ga je Huzur proglasio zamjenikom Amira Kadijana kad bi išao na putovanje. Kada se Huzur 1924. godine zaputio na duži put u Evropu, imenovao ga je čak Amirom cijele Indije.

## Hazreti Sahibzada Abdul Latif

Hazreti Sahibzada Abdul Latif bio je stanovnik sela Sayyad Gah koje je bilo smješteno u Afganistanu. Njegovi rođaci u su bili poglavari tog područja. I sam je bio vlasnik mnogo zemljišta i bio je poštovan u cijelom Afganistanu zbog svoje pravednosti i svog znanja. Hazreti Sahibzada Sahib se 1902. godine zaputio iz Afganistana da posjeti Obećanog Mesiju. Kralj Afganistana se od njega oprostio ukazavši mu čast i dostojanstvo. Putovanje mu je išlo od Lahore do Batala. Kad je stigao u Batalu, do Kadiana se zaputio na put pješice.

Prvo se u Kadianu sreo sa hazreti Maulvi Nuurudinom. Istog dana se naizad nakon podne namaza sreo sa Obećanim Mesijom.

Obećani Mesija je svoje utiske tog susreta opisao sljedećim riječima:“ Kad sam ga sreo, kunem se Allahom u Čijoj Ruci je moj život, doživio sam takvu poslušnost meni i takvo ubijedenje moga poziva od njegove strane, koje ni jedan čovjek ne može premašiti.“ (Tazkara-tuš- Šahadatain). Hazreti Sahibzada Sahib bio je čovjek koji je dobivao predskazanja i vizije od Allaha. Kad se vratio u Afganistan, kralj je odredio da ide u Kabul. Tamo su religijski učenjaci protiv njega donijeli fetvu (pravni sud) kojim su ga osudili na nevjerstvo. Četiri mjeseca je bio u pritvoru. Tokom tog periodu, kralj ga je mnogo puta pozivao da okrene leđa novom vjerovanju kako bi ga oslobodili. Ali hazreti Sahibzada Sahib se protivio da se odrekne istine rekavši:“ Ja držim da je moja vjera više vrijedna od mog života i bilo čega ovosvjetskog.“ Naizad je osuđen na smrt kamenovanjem i jedno predskazanje Obećanog Mesije se obistinilo:

*„Dvije koze iz tvoje zajednice biće zaklane i svako, ko je na zemlji, jednog dana će nestati.“*

Dva dana nakon preseljenja, Kabul je zahvatila tako strahovita epidemija kolere da je kuća za kućom propadala. Toliko je ljudi preselilo da nije bilo dovoljno muškaraca da ukopaju tijela-zločinci su istom mjerom kažnjeni za svoja nedjela.

O preseljenju hazreti Sahibzade Sahiba kao šehida, Obećani Mesija zapisao je sljedeće riječi: “ O Abdul Latife, Allah ti se smilovao, što si za svoga života dao takav primjer iskrenosti toga dana, da ne znam šta bi mogli učiniti oni ljudi koji će doći u moj džemat nakon mog preseljenja.“ (Tazkara-tuš-Šahadatain)

## Hazreti Master Abdur Rahman

Hazreti Master Abdur Rahman je u dobi od 14 godina iz sikhizma prešao na islam. Prije mu je ime bilo Meher Singh. Prelaskom na islam, morao je proći kroz mnoge poteškoće, ipak je ostao čvrst. Kao i on mnogi su prijatelji Obećanog Mesije sa sikhizma ili sa hinduizma prešli na islam i preko toga što su bili u društvu Obećanog Mesije postali su primaoci vizija i predskazanja od Allaha.

O dva posebna dešavanja iz njegovog života će biti govora u nastavku.

### Njegova revnost(trud) za Tabligh(Da'wah)

Njegova revnost za Tabligh razvila se u strast. Pozivao je na razne načine na Tabligh svoje sunarodnjake i učenike. Na primjer postojale su neke poteškoće koje su Master Mamun Khanu, profesoru Taleem-ul-Islam High School u Kadijanu, onemogućavale da se oženi. Zamolio je hazreti Master Abdur Rahmana da za njega dovi. Hazreti Master Abdur Rahman mu je rekao da treba otići učiniti Tabligh u 40 različitih sela; i on će dovesti za njega. Tako da je prošlo samo nekoliko dana i Master Mamun Khan je mogao da se oženi.

### Njegova pažnja prema namazima

Master Sahib je sam o sebi napisao da su ga 1908. godine, dok je još u Central Training College u Lahore bio učenik, njegovi školski drugovi koji su bili kršćani pozvali na čaj. Rekli su mu da je dobro što je svoju prijašnju religiju odbacio i što je prešao na islam. Sad je trebao načiniti sljedeći korak i preći na kršćanstvo. Koliku bi već platu mogao dobiti od muslimana nakon potpunog završetka svog školovanja. Oni sami već na početku će biti plaćeni sa tri hiljade rupija. Master Sahib im je na to rekao da je on u potrazi za Živim Bogom, i ako su oni u stanju da uspostave za njega vezu sa Živim Bogom da bi prešao na kršćanstvo. Na to ga je jedan od kršćana upitao šta smatra Živim Bogom. Master Sahib mu je odgovorio: „ U Bibliji se kaže da ko pokuca na vrata, tome su vrata otvorena. Ako Boga tražite, i naći ćete Ga. I u Časnom Kur'anu piše ako s potpunom predanošću molite, Allah će vam odgovoriti. Ako mi u kršćanstvu možete pokazati ovakav dar, odmah ću se preobratiti.“ Učenici kršćani su mu potom rekli da su prema Vedama, prema Jevanđelju i prema Časnom Kur'anu vrata objave sada zatvorena; više nije moguće da se Bog obznanjuje. Na to je Master Sahib rekao da je nedavno u društvu dobio predskazanje sljedećeg sadržaja:“ Bićeš obaviješten o prvom pitanju.“

Na to su mu učenici kršćani rekli da iz tog predskazanja nisu ništa shvatili. Master Sahib im je odvratio:“ Vaša krv nije u redu. Idite u Kadian i pustite da vas izliječe. Onda ćete shvatiti i glas predskazanja.“

Dalje o sebi piše:“ Drugog ili trećeg dana kad sam u noći htio spustiti svoju glavu na jastuk, pokazana mi je vizija o pismenom ispitu iz matematike, koji sam mogao pročitati. Ali sam mogao zapamtiti samo jedno pitanje, koje sam potom i zabilježio. Nakon tri mjeseca imali

smo ispit iz matematike koji se održavao četiri puta u godini, i prvo pitanje na testu bilo je upravo ono koje sam predskazao. Taj događaj bio je uzrok da je jedan ateista iz Amritsara koji se zvao Abdul Hameed M.A. postao ubijeden u Allahovu postojanost.

### Hazreti Mir Nasir Nawab

Bio je otac hazreti Sayyadah Nusrat Džahani, supruge Obećanog Mesije. Rođen je 1846.godine. Bio je dedo (s majčine strane) hazreti Halife Mesije II. Preselio je 19. septembra 1924.godine u Kadianu i ukopan je u Bahišti-Maqbarah. Bio je veoma jednostavna i bogobojazna ličnost.

### Hazreti Dr.Mir Muhammad Ismaeel

Rođen je 18. jula 1881. godine. Bio je mlađi brat hazreti Sayyadah Nusrat Džahane, supruge Obećanog Mesije. Među posebnih 313 prijatelja Obećanog Mesije, on je bio na 70 mjestu. Također je bio pjesnik. Njegova zbirka pjesama zvala se „Bukhar-e-Dil“. Preselio je 18. jula 1947. godine i ukopan je na Bahišti-Maqbarah u Kadianu.

### Hazreti Mir Muhammad Ishaq

Bio je daidža drugog halife. Rođen je 8. septembra 1890. godine. Podučavan je od znanih osoba poput hazreti Hakeem Maulvi Nur-ud-Dina, prvog halife, potom od hazreti Maulvi Abdul Kareema i od hazreti Raušan Alija. Zauzimao je visoki položaj po pitanju hadiskog znanja. Imao je čast da služi Obećanog Mesiju tokom njegove posljednje bolesti do njegovog preseljenja.

Preselio je 17. marta 1944. godine i ukopan je u Bahišti-Maqbarah.

### Hazreti Nawab Muhammad Abdullah Khan

Rođen je 1. januara 1895. godine. Bio je sin hazreti Nawab Muhammad Ali Khana iz Maleer-Kotla. Bio je rođeni ahmadija. Oženio se najmlađom kćerkom Obećanog Mesije, sa Sahibzadi Nawab Amat-ul-Hafeez Begum. Preselio je 18. septembra 1961. godine i ukopan je u Bahišti-Maqbarah u Rabwahu.

### Hazreti Dr.Abd-us-Sattar Šah

Rođen: 1862. godine

Bejat je dao: 1901. godine

Preselio: 23. juna 1937. godine

Bio je otac hazreti Sayyadah Umme Tahire, supruge hazreti Musleh Mauda i dedo (s majčine strane) hazreti Halifi Mesiji IV. 1920. godine nakon penzionisanja sa svog položaja kao „Senior Sub-Assistant Chirurg“ preselio se posve u Kadijan. Ubrajan je u izvanredne osobe ahmadija džemata koje su primale vizije i predskazanja. Odobrio je brak svoje kćerke sa sinom Obećanog Mesije, hazreti Sahibzadah Mirza Mubarak Ahmadom uprkos njegovoj teškoj bolesti. Poslije se udala za hazreti Halifu Mesiju II. Ona je postala poznata pod imenom Sayyadah Umme Tahir (Tahirova majka).

Imao je posve čistu narav, njegova je bit bila veoma blagoslovljena. Njegovi su sinovi Allahovom milošću djelovali u visokim džematskim ustanovama.

### Hazreti Maulana Ghulam Rasool Radžeeeki

Rođen je između 1877. godine i 1879. godine. 1897. godine dao je bajat. Hazreti Halifa Mesija I imenovao ga je za Murabbija (Imama) za Lahore. Svoj je život sastavio u autobiografiji pod naslovom „Hayaat-e-Qudsi“. Preselio je 16. decembra 1963. godine. Bio je ličnost koja je primala vizije i predskazanja. Bio je pjesnik na urdu i pandžabi jeziku.

### Hazreti Bhai Abdul Rahman Qadiani

Rođen je 1879. godine. Prije nego što je pristupio džematu, pripadao je hinduizmu i zvao se Hari Čandar. 1894. godine pristupio je džematu. Obećani Mesija mu je dao ime „Abd-ur-Rahman“. Nakon podjele Indije, dobio je čast da postane Darweš (osobe koje ostaju u Kadijanu).

Preselio je 1961. godine i ukopan je u Bahišti-Maqbarah u Kadianu.

### Hazreti Čauhdary Fateh Muhammad Sial

Rođen je 1878. godine a bejat je dao 1899. godine. 1914. godine kao prvi misionar je putovao za Veliku Britaniju i postavio je u Londonu kamen temeljac za prvu misionarsku kuću. 1921. godine bio je vođa mudžahedina iz Malkane. U okolini Malkane hindusi su bili počeli da preobraćaju muslimane na hinduizam. Kako bi se tome suprostavio drugi halifa je poslao mudžahedine u tamošnju oblast.

Preselio je 1960. godine i ukopan je u Bahišti-Maqbarah u Rabwahu.

### Hazreti Hafiz Raušan Ali Khan

Rođen je 1883. godine, a 1900. godine je dao bajat. Znanje o Časnom Kur'anu naučio je od hazreti Maulvi Hakeem Nuuruddina, prvog halife. Bio je školski prijatelj hazreti Mirza Bašeer-ud-Din Mahmood Ahmada, drugog halife. Njegovi su učenici bili hazreti Maulana Džalal-ud-Din Šams, hazreti Maulana Abul-Ataa Džalandhri i hazreti Maulana Ghulam Ahmad Badu Malhavi. Sastavio je Fiqah-e-Ahmadiyya (islamska pravna nauka prema ahmadijskom džematu). Nakon njegovog preseljenja drugi halifa ga je nazvao „Maulvi Abdul Kareem Drugi“.

Preselio je 23. juna 1929. godine i ukopan je u Bahišti-Maqbarah u Kadianu. Njegovu dženazu je predvodio hazreti Maulvi Šaer Ali, koji je tada bio Amir Muqami u Kadianu (hazreti Halifa Mesija II se za to vrijeme nalazio u Srinagaru, u Kašmiru).